

CURRICULUM VITAE

FRANKOVIĆ, MIJO r. 1946. , Haljinići, općina Kakanj Gimnaziju završio u Kaknju, a . Šumarski fakultet u Sarajevu 1972. Od 1973. do 1976. izvanredno polaže ispite na odsjeku društvene ekonomije Ekonomskog fakulteta u Sarajevu, a od 1988. pa do 1992. je na poslijediplomskom studiju iz zaštite šuma u Sarajevu, gdje sa uspjehom završava i polaže veći dio studijskog programa.

Kretanje u službi: Zavidovići, Fojnica, Lopare, Ilijaš, Bugojno i Tuzla. Izvjesno vrijeme obavljao dužnost direktora Kombinata „Bosna“ Ilijaš i Konjuhovog OOUR-a u Tuzli. Od 1985. godine je kao osnivač Zavoda na mjestu je direktora i stručnog suradnika Zavoda za zaštitu spomenika kulture i prirode u Tuzli do danas. Objavio više radova iz estetike prirode (Zbornik radova SUFJ, Tuzla 1987. i časopis «Priroda» Zagreb) i etike zaštite kulturno-povijesne baštine (Naslijeđe i identitet, Zbornik radova, Sarajevo 1997.). Jedan je od autora Studija o kulturno-historijskom naslijeđu za općine Tuzla, Živinice, Kladanj, Lopare i Zvornik. Autor je studija o prirodnom naslijeđu za iste općine. Autor monografskih brošura iz zaštite baštine «Šikara», «Drijenča» i «Lipnica». Samostalni je autor Elaborata (Studije) o prirodnim i kulturno-historijskim vrijednostima planine Konjuh (sada JU Zaštićeni pejzaž „Konjuh“), Od 1997. do 1999. godine član je ekspertnog tima za izradu legislativnih materijala iz oblasti zaštite kulturno-historijskog naslijeđa Bosne i Hercegovine. Rukovodilac i jedan od autora Projektne studije revitalizacije «Kula Srebrenik», kao i niza drugih kapitalnih projekata, priloga, separata, recenzija iz oblasti zaštite i valorizacije kulturno-historijskog i prirodnog naslijeđa Bosne i Hercegovine.

Jedan je od vodećih autora prvog Prostornog plana Tuzlanskog kantona, odnosno autor specijalističkih studija iz oblasti naslijeđa, ekologije i šumarstva.

Bio je angažovan kao konsultant i savjetnik na Projektu restauracije i konzervacije nacionalnog spomenika BiH «Bijela džamija» u Gornjoj Tuzli.

Autor je znanstvenih separata iz oblasti šuma, prirodnog i kulturnog naslijeđa za Prostorni plan općine Tuzla za period od 2013-2023. godine.

Učesnik i moderator većeg broja okruglih stolova i promocija iz oblasti obnove i zaštite naslijeđa BiH u Sarajevu, Mostaru, Bihaću i Tuzli.

Također sam autor dvije monografije iz oblasti naslijeđa, ali sve to nije pomoglo da odradim puni radni staž. Naime 2008. godine smijenjen sam sa mjesta u Zavodu sa licem koje je bilo šest godina na evidenciji Zavoda za zapošljavanje (kao nezaposlen) po zanimanju vkv automehaničar. (Sa spiska nezaposlenih pravo za direktora multidisciplinarno naučne ustanove). Donio je krivotvorenu diplomu Fil. Fakul., orijentalista, 1991. god. iz Prištine. O svemu tome u više navrata putem javnih medija (Tuzlanski list) obavješteno je Kantonalno tužilaštvo i Ministrastvo obrazovanja, ali bez ikakva efekta.

Bio sam prisiljen da iste godine (pet godina ranije) uzmem prijevremenu i zajamčenu penziju.